



Saudara-saudari yang terkasih dalam Kristus,

Malaysia kaya dengan penduduk berbilang budaya dengan pelbagai perayaan yang menandakan sambutan kebudayaan dan keagamaan. Walaupun Hari Perayaan Ponggal tidak diiktiraf sebagai cuti umum, namun perayaan tersebut adalah perayaan yang penting bagi Komuniti India Selatan terutama kepada orang Tamil.

Kebanyakan yang bukan Tamil hanya mengetahui bahawa hidangan khas ketika Perayaan Ponggal ialah nasi direbus dengan susu manis, namun secara tradisional, perayaan ini disambut selama empat hari. Melanjutkan perayaan sehingga beberapa minggu merupakan pengalaman "Judeo Christian" bagi kita, seolah-olah kita tidak mengingini perayaan tersebut berakhir, begitu juga apabila kita mempersembahkan syukur kepada Tuhan.

Bagi segelintir orang yang menilai pekerjaan lebih penting dari keagamaan dan perayaan, mungkin beranggapan cuti perayaan itu ialah perkara yang tidak berproduktif dan membuang masa. Tetapi bagi kita yang kristian, mengikuti tradisi orang Yahudi dan perayaan merupakan anugerah Tuhan kepada kita agar kita dapat beristirahat dan memperingati berkat yang kita terima dari Tuhan dan mempersembahkan syukur kepadaNya.

Orang yang beragama Yahudi menyambut 3 perayaan menuai @ panen. Kita kristian hanya mewarisi 2 perayaan iaitu Hari Paskah dan Hari Pentakosta. Perayaan-perayaan ini mengisahkan asal-usul ketika orang Israel memiliki tanah dan bercucuk tanam yang sekaligus menunjukkan sejarah yang paling penting bagi orang Yahudi – Kitab Keluaran. Dengan cara ini, perayaan bukanlah hanya sekadar peristiwa untuk menyambut pesta menuai dan membuat persembahan hasil tuaian pertama kepada Tuhan, tetapi perayaan merupakan peristiwa untuk memperingati dan memberi syukur kepada Tuhan untuk pekerjaan indah Tuhan menyelamatkan umatNya.

Hari ini, sebagai dalam sebuah komuniti Holy Family, marilah kita ikut serta Komuniti Tamil dan Komuniti India Selatan Paroki kita untuk menyambut perayaan yang menakjubkan ini.

Eeniya Ponggal vazhthukal.

"Muliakanlah TUHAN dengan hartamu dan dengan hasil pertama dari segala penghasilanmu, maka lumbung-lumbungmu akan diisi penuh sampai melimpah-limpah, dan bejana pemerahanmu akan meluap dengan air buah anggurnya." Amsal 3:9-10

Gembala-mu,  
Paderi Michael Chua, Paderi Philip Chua dan Paderi Bonaventure Rayappan  
Ponggal 2022  
Hari Minggu Biasa Kedua